

Date – 12/04/2025

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Chief Minister Pu Lalduhoman hmasawnna kawngah remna leh muanna aia pawimawh hmasa engmah a awm thei lo a ti.
2. Lunglei khawpuia tui harsatna chuan zuallam a pan zel
3. Jammu & Kashmir-a Kishtwar district-ah sipaiten firfiak pathum an kaphlum.
4. Chhatisgarh-a Bijapur district-ah security force ten Maoists hel pathum an kaphlum.

<><><>

CM

Chief Minister Pu Lalduhoman hmasawnna kawngah remna leh muanna aia pawimawh hmasa engmah a awm thei lo a, vawiina Mizoram chak taka hma a sawn chhan pawh hi remna leh muanna a neih tlat vang a ni a ti.

Vawiina Aizawl Vanapa Hall-a Bru Student Association (BSA), General Headquarters, Aizawl bultuma Bru kum thar Kut, Boisu a hmanpuinaah he thu hi sawiin Chief Minister chuan Ram dan bawhchhiatna thilah erawh chuan tumah ngaihnathiamna pek a rem lova, dan hmaah chuan mi zawng zawng inangkhat vek an ni a churang chuan ram dan hi zah a, zawm that ni se, mitin thlamuang takin awm theuh turin mipui te a chah a ni.

Chief Minister Pu Lalduhoma chuan Mizoramah hnam peng hrang hrang an cheng ho va, inngaih takin an khawsa thin tih sawiin. Hetianga lungrual taka an khawsa ho thin hian ram a timawi a, a tinuam a. Kum tam tak chhung chu India rama state ralmuang berah Mizoram chu chhal a ni tawh a ni, a ti.

India ramah mahni hnamzia leh tih dan thate chawi nung turin zalenna mitinin an nei a, mahni hnam zia leh kalphung chawi lar duh luat vanga hnam dangte tih dan va ngai theih loh erawh chu thil dik a ni thei lo tih sawiin Chief Minister chuan hnam hlawm lian deuh te, hlawm te deuh te an awm avangin awmdan chin tawh thiam tlan pawh a ngai. A lian zawk nih vanga a te zawk

hnualsuat lutuk te, a te zawk nih vanga pangchan leh lutuk te hi a tha lo ve ve a ni. Midang ngai theih lohna lam chi reng reng hi a tha lo va. Hnam anga inhnuaihhihna te, sakhua ang zawnga inbeihna te a awm thianga lo. Ralthuam leka inlakna hran tumna lam phei chu a awm kan remti lo bur, a ti.

Mizoram-a cheng kan nih chuan Mizoram thatna tur hi ngaihtuah thin tur a ni a, midang thawh chhuah sa han sawiselsak pawh hi a awlsam a. Chutiang thu leh hla chu social media-ah a tam thin hle a. Khua leh tui tha, ram hmangaihtu dik te chuan an phak tawka ram tana an tih ve theih te an ngaihven reng tur a ni, a ti.

<><><>

METH SEIZED

Tukin dar 8 vel khan Lawngtlai District khaw dai Siachangkawn-ah, Siachangkawn Branch YLA, Mizoram Police leh 20th Assam Rifle te inkawp a duty ten Methamphetamine mum nuai 1 sing 8 an man.

YLA hruaitute atanga Akashvani thudawn danin, Police, Assam Rifles leh Young Lai Association duty te hian Bike pakhat chu enfiahin, he Bike a chuang Phunthawnga Kum 42, Lungrang, Halkha District Myanmar, tuna New Siaha East-II a khawsa ni a inchhal hnen atangin Methamphetamine hi an man a ni.

Methamphetamine an man hi Kg 17. velaa rit niin Tualchhunga hralhna anga chhutin cheng vbc 2 nuai 33 sing 2 & 9,800 man niin, International Rate anga chhutin cheng vbc 5 chuang hu a ni a, Methamphetamine neitu a puh hi Bualpui NG Police Out Post ah tiktur tulte buaipui a nih hnu ah Lawngtlai panpui a ni a, ruihhlo phurhna atana hman Motor Cycle pawh Police ten an hreng nghal a ni.

<><><>

LUNGLEI WATER SCARCITY

Lunglei khawpuia tui harsatna chuan zuallam a pan zel a, Pialthleng atanga Tui pump in mipui mamawh a phuhruk loh avangin PHED chuan Truck Owner Association (TOA) te nen ruahmanna siamin veng thlan bik leh tui harsat zual naah Motor lian tui an sem tan a. Chhungkaw khatah Bucket 6 zel a sem a ni a, kawn remchang laiah tui hi sem a ni.

Kan corr report lo ngaithla ang.

VC

Lunglei khawpui tui harsatna chuan zual lam a pan zel a, PHED chuan lirtheiin tui an sem tan a, an sem hma hian hriattheih chinah Pu Lalnunsanga Bethesda HSS Principal, Pu R. Lalnunthara President LDCC te pawhin an veng chhungah Motor lian hian tui an lo sem tawh a, anni bakah hian LMC Vice Chairman Pu K.Lalrinawma leh R.Lalremsiama Councillor te pawhin an ward chhungah an sem a ni.

Motor a tui chawi tur pawh a van avangin Hnahthial bul, Mat lui a mi te hial chawi a ngai a, a hmun a hlat avangin tui man pawh a san phah a ni. Dai hnai deuh a lui leh tui tlinna pawh Generator khawl in mimal tui phur te hian an pump a, tui chawi tur leh hralh tur hi motor kal theih naah chuan innghak in inhnial buai a, awka ring deuh deuh a inhnial pawh an awm chho zauh zauh a, tui lei duh tan pawh Order siam a awlai lo hle.

Lunglei YMA Sub.Hqtrs. chuan tui a van laia mimal mithahnemngai an rawn pen chhuak a, midang tan tui an sem chu lawmthu an sawi a, hemirual hian tui harsatna denchhen a, tuikhur nei leh tui hralhtu ten Tui hralhna man ti sang lo turin ngenna an siam a, mitin in tui ren thiam a, kan tui khur tui te vawng thiam turin ngenna an chhuah.

Hetihlai vek hian LMC CEO Pu Donny Lalruatsanga chuan thuchhuah siamin Tui hmanga sumdawng te chu phalna la vek turin a hriattir a, phalna nei lo chungah Dan ang a Action lak a ni ang a ti.

<><><>

ASF

Siaha khawchhunga African Swine fever (ASF) avanga vawk thi te phumna hmun chu Siaha bialtu MLA Dr K Beichhua hmalakna leh kaihruainain LAD Department leh AH & Vety atanga official-te bakah Joint VC leh Meisatla Village Council hruaitute nen a hmunah kalin an enfiah a. Siaha District khaw hrang hrangah ASF damlohna avangin vawk tamtak a thi tawh a, Siaha khawpui chhungah he thu ziah lai hian ASF vanga vawk thi leh suat hi hriat theih chinah 912 lai a tling tawh a, nitin an la thih belh zel tura ngaih a ni.

Dr K Beichhua chuan tuna Siaha Districta thil thleng hi Sawkarin Disaster ah a puang tawh a, chuti a nih chuan compensation pawh Disaster Management & Rehabilitation atanga pek theih dinhmun ah an ding tawh a, a lawmawm hle a ni a ti a, chutih laiin suat leh suat loh a thi te compensation an pek thawm erawh hriat a la ni lo chu vawk vulhtute an lainatawm hle a, tun awrkar pawh hian a la pe ngei tur ah an beisei a ti.

Siaha bialtu MLA chuan Siaha Dist a vawk pul hri puang chu Department lamin theihtawpin hma an la chungin control theih dinhmunah a ding ta lova tuna an buaipui ber zawk chu vawk tamtak thi mek te phum chungchang zawk hi a ni ber tawh a ni a ti a. AH & Vety Deptt leh MADC LAD tangkawpin Joint VCs te nen veng hrang hrangah hmalak a ni a, thawhhona pawh a tha hle a ti.

Chutilai chuan vawk suat leh thi phumna tur laih ringawt pawh hi JCB leh mihring tha tamtak a ngaih bakah, bleaching powder leh chinai phul te leh nilenga duty tur rawihna manah te sum senna tur thahnem tak a awm avangin State Vety Department pawhin tuna an hmalakna ai a chak zawka hma rawn la a, sum leh pai te pawh rawn inphal deuh se a duh thu a sawi bawk a ni.

MLA Dr Beichhua chuan “Tun hun thleng hian State sawrkar atangin Siaha DVO hnen lah cheng sing 5- pek tawh a ti a, hei ringawt hi chuan ASF hrik darh mek buaipui a har viau dawn a; chuvangin, an tawrhna te ngawihbo pui mai lova chak tak a hma lo la turin Mizoram Sawrkar a phut tlat a ni” a ti bawk.

<><><>

ISL FINAL

India rama Football inelna sang leh lian ber Indian Super League (ISL) 2024-25 season final chu zanin dar 7:30 hian Kolkata Khawpui a awm Salt Lake Stadium-ah khelh a ni dawn.

ISL Final hi Mohun Bagan leh Bengaluru FC ten an khel dawn a, Mohun Bagan lamah hian Vaivakawn tlangval Lalengmawia Ralte a awm a, an khingpui tur Bengaluru FC lamah hian Bawngkawn tlangval Lalremtluanga Fanai a awm thung a ni.

ISL-ah hian India rama football club tha 13 te an inel a, league round-ah vawi hnih theuh an inkhelh kual hnuah a sang zual paruk ten playoff an khel a, chumi hnuah final hi khel leh a ni.

Final hi TV-ah chuan Star Sports 3-ah live a ni ang a, online kaltlanga en tur tan JioHotsar-ah en theih a ni baw k ang.

India rama Football inelna sang ber Indian Super League hi kum 2014 atang khan bultan a ni a, ram chhunga club tha inelna ah hian Mizo infiammi ten a bultan atangin player an thawh hnem hle a, tun thlengin club tinah Mizo player tam tak inngahna niin Champion nomawi anlo chawi tawh thin a, kumina Final khelh turah pawh Mohun Bagan player pawimawh Lalengmawia Ralte emaw Final-a an tumpui tur Bengaluru player Lalremtluanga Fanai te chuan Champion nomawi an chawi leh dawn a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihtlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

J&K

Jammu & Kashmir-a Kishtwar district-ah firfiak pathum an kaphlum. Thudawn danin sipaiten Chhatroo ngaw chhungah firfiakte an awm nia an hriat avangin nilaini khan dapchhuah hna an thawk a. Hemi tum hi firfiakte hi an tlan chhe hman a. Nimin zing khan firfiakte nen hian an inkap leh a. Jammu huamchhung tlangram leh ngaw hmunte ngawrh takin dapchhuah hna an thawk mek a ni. Sipaite hian firfiakte nena an inkahnaah hian silai leh a mu thahnem tak an man tel baw k a ni.

Nizan khan Keri Bhattal chhunga Akhnoor sector-ah ralthuam rip tak nena inthuam a ruka Line of Control (LoC) kan tum firfiakte sipaite hian an nangchin baw k a. Hun engemawchen chhung an inkap zui a, hetah hian sipai Junior Commissioned Officer pakhaat kahhlum a ni.

<><><>

AMIT SHAH

Union Home Minister Amit Shah-a chuan sawrkar laipui leh Maharastra sawrkarte chuan Chhatrapati Shivaji Maharaj-a thuthmun Raigad Fort chu ti changtlung turin theihtawp a chhuah tih a sawi. Amit Shah-a chuan he

hmunhlui pawimawh tak hi thalaite thinlung kaihruaitu atan hman an duh tih a sawi bawk a ni .

(Byte)

Amit Shah hian vawiin khan Chhatrapati Shivaji Maharaj-a thihcham vaiw 345 na hmanpuiin a thlanah hian pangpar a dah a ni.

<><><>

MAOIST

Chhatisgarh-a Bijapur district-ah security force ten Maoists hel pathum an kaphlum. Akahsvani Correspondent sawidanin CRPF CoBRA battallion, District Reserve Gaurd leh Special Task Force tangrual chuan Bijapur district-a Indravati ngaw chhungah anti-Naxal beihpui an thlak a. Tukin khan Maoist leh security force te hi inkapin a hmunah Maoist pathum kahhlum an ni a. Hei bakah ralthuam thahnem tak man tel a ni bawk a ni. Helho dapchhuah hna hi chhunzawm zel anih tur thu security force te chuan an sawi.

<><><>